

四大凡軀不久長百年終是各分張心灰始悟真空體玉韻琅琅滿大方

邱劉妙理人難會譚馬機關世不傳此箇家風清淨得行人方可悟重玄

閒人休作等閒猜散髮披襟養道才昨夜夢遊歸我闕神光變化滿瑤臺

池淺風搖濁浪生淵深動處水波清修真行淺心難定學道功深性易明

誠梁先生遊訪二首

請君休苦事奔波日用修行意若何善惡到頭全放下自然神

道藏輯要

西雲集

卷

易集七

定氣沖和

善惡須知總幻緣未能超越豈爲賢身心放下還知否脫體全空象帝先

眞仙欲慕斷攀緣性定方知命自全此理不須從外訪區區枉費草鞋錢

示劉先生

匠手當宜造作時爐中新火舊鉛鎚打成一段無名物絕像眞人更是誰

述懷四首

騰騰兀兀度平牛得失無驚寵辱輕此理被誰還點破舍時卽

退用時行

靠水偎山構一窩溪田自種幾千科人皆笑我生涯事伎倆別無做甚麼

避世慵夫伎倆無平生拙訥太愚疎不須更說人間事贏得安眠兩腳舒

着我家風上畫屏瘦籐蓑笠草鞋輕人間歷遍渾無意一片孤雲野鶴情

學道難

千聞惟有出家難百計尋閒不得閒懊惱心機塵事染幾時歸去臥雲間

道藏輯要

西雲集

卷

鼎集七  
川八六

答道友問修行

休苦研窮說與君名韁擺脫自由人不居內外中間裏遍體虛無總法身

答道友問妙教

妙語玄言事若何其中消息本無多身心放下爲閒客不昧神清氣自和

道友問如何超得陰陽造化

新慙不造舊慙消新舊慙無神氣調煉出靈珠光燦爛陰陽造化卽時超

眾道友問修行有何憑據